

**ZAPISNIK SA 03. SJEDNICE UO SAMOSTALNOG SINDIKATA RADNIKA U BHRT-u,
U MANDATU 2019-2023, KOJA JE ODRŽANA U UTORAK 25.06.2019. GODINE**

Prisutni: D. Smital; N.Tadić; E. Čengić; Dž. Kahrica; M. Grbo; M.Herac; D.Miljević; E. Fočo;
E.Agić; J.Sogović; S.Gadžo

Odsutni: R.Kukić; S.Kavazović; O. Bukić; M. Baručija; N. Arnautović; M. K. Pašalić - **opravdano**

Dnevni red:

1. Zapisnici sa 1. i 2. sjednice
2. Aktuelna situacija u BHRT-u
 - pravilnici o ocjenjivanju i napredovanju
 - zaključci Podružnice RTV Produkcije
 - ambulanta u RTV domu
3. Sindikalni izlet (izvještaj)
4. Finansije (D. Karšić)
5. Ugovori
 - Adriatic
6. Dodjela pomoći (M.Herac, M. Baručija, R. Kukić)
7. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 03. sjednicu UO SSR u BHRT-u i predložio dnevni red, koji je jednoglasno usvojen kao i zapisnici sa 01.i 02.. Sjednice UO sindikata.

AD 2. Neposredno prije sjednice UO, rukovodstvo sindikata (D.Smital, N.Tadić i Dž.Kahrica) je održalo kratki sastanak sa generalnim direktorom. Obzirom da je pomoćnica za razvoj na odmoru, održat će se naknadno sastanak u vezi napredovanja kao i u vezi HTZ opreme. U vezi posljednjih tekstova na portalima za RTV taksu, direktori dva javna servisa su dogovorili da se ne reaguje, jer su mišljenja da bi se napravila veća šteta nego korist, kao i da je javnost dovoljno informisana zvaničnim saopštenjem Elektroprivrede BiH. Sindikat je predložio da se napravi stranica sa pitanjima kao na HRT-u, a u vezi pretplate na kojoj bi bilo obrazloženo sve u vezi prikupljanja takse. Sindikat je informisao menadžment u vezi pitanja ambulante u RTV Domu i zatražio i od njih reakciju prema Vladi KS. Sindikat je uputio dopis sa sindikatom RTVFBiH prema premijeru i ministrici zdravstva, postavljeno je zastupničko pitanje na Skupštini KS a koje je pripremio sindikat. Sindikat je također u kontaktu sa nekoliko zastupnika u Skupštini KS, koji su se ponudili da pomognu kada je ovaj problem u pitanju. Sindikatu je potvrđeno da se kolegica Dž.Fakić obrati u vezi problema za nabavku ortopedskih pomagala. Menadžment je dobio dopis od kolegice M. Pašalić-Kurtović, koji je proslijeđen pravnoj službi, kako bi se pokušao riješiti taj problem.

Menadžment je dostavio sindikatu i prijedlog pravilnika o napredovanju i samim tim kompletirao prijedloge pravilnika koje je sindikat tražio. D.Smital je istakao da je rukovodstvo sindikata usvojilo primjedbe na pravilnike o napredovanju i ocjenjivanju koje su dostavljene svim članovima UO sindikata na sjednici te je predložio da se isti dostave svim podružnicama na razmatranje kako bi UO dobio mišljenje svih. Jednoglasno je usvojen zaključak da se primjedbe, zajedno sa pravilnicima dostave Podružnicama, a da Podružnice svoje mišljenje dostave do oktobarske sjednice UO, kada bi se ponovo razmatrali pravilnici o ocjenjivanju i napredovanju, kao i primjedbe sindikata na iste.

E.Čengić je istakao da je u skladu sa zaključkom prošle sjednice UO sindikata, Podružnica RTV Produkcije održala sastanak na kojem su usvojeni zaključci za koje E.Čengić traži da uđu u zapisnik u skladu sa poslovnikom o radu UO. Podružnica RTV Produkcije zahtjeva: Hitno donošenje nove sistematizacije, zbog katastrofalnog položaja uposlenika u RTV Produkciji, da se svim uposlenicima obezbjedi HTZ oprema u skladu sa zakonom i Pravilnikom o zaštiti na radu BHRT-a, da se donošenjem internog akta na nivou BHRT-a obebjeđi povećanje dnevnica za uposlenike na terenu, kao i da iznos dnevnica bude jednak za sve uposlenike i televizije i radija na jednom projektu (prijenosa, koncerta, itd), da se aktom BHRT-a propišu norme za obavezno obezbjeđenje noćenja na terenu u slijedećim slučajevima: U slučajevima kada bi ekipa iz Sarajeva morala krenuti prije 8 sati ujutro kako bi na vrijeme obavila zadatak, obezbjeđuje se noćenje ekipe noć ranije.U slučajevima kada bi predviđeni povratak ekipe u Sarajevo bio iza ponoći, obezbjeđuje se noćenje nakon završetka zadatka.

Da se od NSBIH i svih ostalih organizatora traži da obezbjede sve uslove za rad na svim stadionima i sportskim terenima za kamermane, tonce i komentatore. U slučaju neadekvatnih uslova za rad, radnici RTV Produkcije će biti primorani postupiti u skladu sa odredbom člana 33. Zakona o radu u institucijama BiH i o tome obavjestiti Upravni inspektorat Ministarstva pravde BiH. Izražavamo zabrinutost zbog odlaska kvalitetnog kadra iz RTV produkcije, jer smo mišljenja da će se svi ti odlasci jako odraziti na kvalitet programa. Tražimo da se zaustave daljni odlasci, a rješenje je nova sistematizacija i reorganizacija unutar BHRT-a, kao i adekvatno napredovanje u skladu sa pokazanim znanjem, da se na adekvatan način i u skladu sa zakonom postavi državna zastava na ulazu u RTV Dom (ne „na ofingeru“ i naopako postavljena).

E.Čengić je istakao da nema ništa protiv da se i ostale podružnice uključe u ove zahtjeve mada je mišljenja da su ovim zaključcima RTV Produkcije obuhvaćene većinom svi uposlenici BHRT-a.

D.Smital je predložio da se traži tematski sastanak sa menadžmentom u vezi ovih pitanja na kojem će pored rukovodstva prisustvovati i J.Sogović obzirom da je on jedan od predstavnika mobilnih ekipa. Dž.Kahrica se slaže i mišljenja je da se ovo pitanje ponovno postavlja i da se konačno pokuša riješiti sa menadžmentom šta može a šta ne može kada su ovi zaključci u pitanju.

N.Tadić je dodala da je potrebno da se postavi pitanje i ispravnost opreme koja se zadužuje prije samog odlaska na teren. D.Miljević je postavio pitanje hoće li svaka podružnica raditi na ovaj način ili zajedno jer smatra da je ovo loš način rada. E.Čengić je naglasio da svaki uposlenik iz IT Centara ima svog predstavnika u UO sindikata i može uputiti inicijativu na svakom sastanku UO i mišljenja je da nije način prezentiranja problema putem društvenih mreža kako to neki rade. Istakao je još da su IT Centri kao podružnica imali do sada 3 sastanka sa menadžmentom. Nakon kraće rasprave usvojen je prijedlog D.Smitala sa 10 glasova ZA i jednim SUZDRŽANIM.

AD 3. Upravni odbor je odobrio sredstva u ukupnom iznosu od 3117,61 KM za potrebe organizacije sindikalnog izleta. Za svrhu organizacije sindikalnog izleta BHRT je donirao 2000,00 KM.

AD 4. Blagajnički izvještaj za maj 2019. godine je primljen k znanju.

AD 5. Adriatic izvještaj za maj 2019 je primljen k znanju.

AD 6. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec juni dobiju slijedeći članovi: Edin Huremović 300 KM (III dio), Ismet Pavlović 200 KM (II dio), Mirsad Čerkez 300 KM (II dio). Ukupno 800 KM. Baby poklon bon DM-a u iznosu od 2x200KM je dobio Nedžad Junuzović za rođenje blizanaca. Prijedlog komisije je jednoglasno usvojen.

AD 7. E.Agić je istakao problem objekta za ljude iz sigurnosti ispred RTV Doma koja je u jako lošem stanju i predložio da se postavi upit menadžmentu da se jedna od dvije montažne kućice iz kruga RTV Doma premjesti na rampu kako bi se obezbjedili adekvatni uslovi rada. E.Agić je izvjestio UO Sindikata o problemu ostavljanja ključeva voznog parka u prostoru šefa smjene sigurnosti i predložio da se izmjestu u prostore voznog parka a sve zbog nepotrebne gužve u prostorima sigurnosti na prizemlju RTV Doma.

Upravni odbor je jednoglasno donio zaključak da rukovodstvo sindikata postavi ova pitanja menadžmentu, na prvom slijedećem sastanku.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital